

OMUKUETU

No. 12

Desember

1953

TU JENI KU BETLEHEM!

„Ojo no ja ji nokuendelele, no ja mono Maria na Josef nokanona ka lala metemba ljokuliliimuna.“
Lukas 2:16.

Ngashika aasita joku Betlehem je endebele ja ka tale shoka sha ningua ko na shoka Omuaa e shi ja hololele, osho natse uo tua guana okutala kehe okrisimesa shoka tatu shi mono moshigunda shomu Betlehem. Nge tatu ji mo mombepo e taru jeluca omeho getu gomeni, otatu mono mo aantu mbejaka jataru. Maria na Josef nokanona ka lala metemba ljokuliliimuna.

Maria ote tu longo eigandjo ljashili. Oshoka Maria okua li i igandja shili kesilohenda lja Kalunga. Oohapu da Kalunga itadi mu tangele uujogoki ue muene nenge uujapuki ue muene, ngashi aakatoliki haje shi ningi, aue, oohapu da Kalunga otadi hokolola Maria oje omusiluahenda. Osho omujengeli gua Kalunga e mu kundu a ti: „Ua penduka omusiluahenda ngoje, Omuaa ku li na ngoje.“ Oje nokua tsikile ko e ta ti: „Maria, ino tala, ongoje ua siluahenda ku Kalunga.“ Maria nokua li ina tala esilohenda ndika lje mu aada ngeji, ihe okui igandja kuljo nokua ti: „Tala, ongame omuntu gu'Omuaa, nandi ningue ngashika ua ti.“ Oje nokui isimanekele esilohenda ndjoka nokue li tanga nokua ti: „Esilohenda lje otali ka cika koluvalo nolualo oku mboka haje mu tala.“

Ihe shoka sha aada Maria kesilohenda lja Kalunga, inashi kala oshipu. Tango a ningi nokuli omudinua, sigo nomumati gue Josef kuaa le e mu henge po ongumitila. Po inapa pita ecimbo ele, Maria sho kua hunganekelua uudigu mboka tuncene tau ke mu aada komeho shokua tiua: „Egongamuele otali ulula omutima guoje, oomadiladilo gojendji opo ga hololue.“ Ihe Maria okui igandja uo kuudigu mboka. Okua tala nokukumua, nkene Jesus e mu cigi po nokua ka longa oshilonga sha Kalunga inashi ja likolela ondjambi ja sha. Okua uuvu, nkene Jesus a fa e mu idimbike nokuli shokua ti: „Meme olje, naamuameme oolje?“ Ku Golgata uudigu mboka na lundu pombanda shili. Oko nkoka Maria a pulua shili eigandjo i igandje je a gandje po esimano lje alihe nokuhumbata oboni jokomushigakano, je a gandje omuana omuhoolike je a gandje po etegameno alihe. Ihe shokui igandja ngeji, okua ka mona uo enjanju enene

Esiku enene lja pentekoste, uuna oonkondo d'Ombepo Ondjapuki da lambele ongundu jaalungua, manga taa galikana, na Maria omo a li mokati kauo. Oje ngoka a li a humbata oka



nona Jesus mekolo lje, okua ningi omuhokolohi nokutja oje Kristus, Omuaa n'Omuaanili gue. Osho ngeji Maria a mono esilohenda lje guedulus kesilohenda.

Omukuetu! Oua mona tuu shoka Maria e shi mono? Oui igandja ruu kesilohenda lja Kalunga, opo u li mone otindji shili? Nenge ue li ibakanene kikonkondo d'aje muene? Oshoka ope na mboka haa icauua natuei kesilohenda. Ojo mboka haa tumbula: „Omuaa guandje, Kalunga kandeje!“ Nando kaje na mpoka ja ti: „Ongame omuntu gu'Omuaa, nandi ningue ngashika ua ti.“ Mpo-ka puua neigandje, opo kapu na uo oonkondo d'Ombepo Ondjapuki. Ito mono enjanju ljokrisimesa, ngele ino dimbulula Jesus oje omukuanilua guoje.

Josef ote tu longo evuliko, Oje okua peua ku Kalunga oshilonga oshidigu, shaa nesimano, ihe shi nuudigu nuupjakadi auke. Tango a kuarua komalimbillo nokuli, shokua dimbulula Maria ta regelele okanona, nokua li e shi shi ela ndjoka kali shi lje. Ihe Kalunga shokua tamu omujengeli gue oku mu fatululila oshimima shoka, Josef okua vulika ashike. Oje omumati a ningi ashike omukuaci nomujakuli guomukadona gue. Oje a kala muujogoki uujapuki naje, meididimiko ndjoka lja pumba shili muujuni mbuka.

Josef okua vulika uo kompango joshilongo. Naje uo a fa e shi tseja, kutja epangelo alihe ojomu Kalunga. „Onkee ano mu nokuvulika.“ Josef shokua adika kelaka tali mu lombuele enjolico laantu ajehi, oje ina tala uule uondjila nenge uupjakadi mboka e noku u mona na Maria, ngoka e li pokumona okanona, aue, oje okua ende ashike, ngashi a lombuelua. Uupjakadi mboka no inau lulila mpoka. Jesus shokua adika a valua nokua talalua po kaanongo jokuuzilo, Josef a lombuelua isheue komujengeli: „Cikama, kuca okanona na jina u tembukile ku Egipri, nga kale nkujaka, sigo tandi ku lombuele.“ Josef ina regelele ue ku she, nenge eluua li tende. Aue, uusiku tuu mbuka, manga uusiku, okua cikama nokua ji. Okevuliko lje okua hupica Omuhupici gueta no gue uo miikaha jaadipagi.

Nosho uo mokugaluka kuauo no mokukongela egumbo lje eha, Josef e endicua onkatu nonkatu ku Kalunga auike. Oje ina pula ehalo lje muene.

Omukuetu! Oro ilongo shike mpaka? Ou shi Jesus ta vulu okukala megumbo ljoje, ngele ku shi omuvuliki? Ite shi vulu. Ngele to landula ehalo ljoje muene, ngoj ito pula lja Kalunga, kala u shi shi Jesus ue mu kanica. Itamu ende naje. Onkee egameno nejambeko uo ue li kanica. Ilonga ano pu Josef omuvuliki.

(Etsikilo kopardja eti 2)



Ihe Josef na Maria oje ajehe aantu ongatse. Pokati kauo oto mono ngoka e ja vule, nando pakutalua oje okahanona To mono Jesus, Omuhupici guoje.

Nando u kale u neigandjo lja Maria neviliko lja Josef, ngele ku na Jesus amuhupici, mbijaka itaji ku kuaca sha. Omupika gua satana no gu'uulunde ita vulu okuiganlja ku gulue manga ina hupicua moojene je aadigu. Oje ita vulu okuvulika ku Kristus, manga oje natango omupika gua satana. Ihe aapika tuu mboka oja valelua Omuhupici. Ngashi okanona komu Betlehem inaka uapa okulukua ilue, oljo tuu ndjoka Jesus, tali ti: Omuhupici.

Ou mu shi tuu naua, oje Omuhupici guoje uo? No u shi shi tuu, ua mono ehupico ndjoka? Nenge ue li kundana ashike? Nena ndjika ua penduka tuu omuhupicua, nenge ua penduka natango ngoje Omupika?

Elaka euanaua ljokrismesa otali icana nonumumvo uo omupika kehe a mone emanguluko pOmuhupici nguka. Kehe omue-ndaguli guomomilema ota icanua e je muujelele. Elaka ndika olja ciki kutse naale. Orua kumagidua naua okueca ilonga jetu jomilema noku ji eta muujelele, oondjo detu di dimue po tse tu mone ombili.

Oojakuetu! Elaka ndika oljo naanaa ljokrismesa. Pa Omuaa esi-mano u li itaale! Ngele ino li itaala, nena ku na nokrismesa, ku na shoka to shi njanjukilua mu Jesus.

Omuprofeti Jesaja okua hunganeke Messias nokue mu luku isheue elaka limue: Immanuel, tali ti: Kalunga pamue natse. Medina ndika eapuki otamu monika naua uule ehupico ljetu. Okuza komasiku ga Adam na Eva santu inaa hala okukala pu Kalunga nokuenda pamue naje, na Kalunga uo okua tindi okukala pamue naantu ja tja ngaaka. Eeno, ku Sinai okua ti isheue, a hala okutala aaisrael oje oshiguana she noje Kalunga kauo. Oko kua li elaka ndika Immanuel, ihe ehangano ndjoka kalja li li noonkondo. Inali uapa okukala li noonkondo, manga oondjo daana jaantu inadi futua. Pua pumbiua omugeulukici nomuhanganici.

Ngashingeji otue mu valelua. Oje tuu nguka a lukua Immanuel. Oje okua futu ajihe. Oje okua dike ehangano epe lja kola ljomedimopo ljoondjo. Onkee oje auike e noonkondo doku tu lombuela isheue elaka ndika enene: Kalunga oku li pamue nane.

Ando Jesus ina valua, ando tse aasira katu na oonkondo oku mu imbila poshigalikaneno: Omuaa na kale nane. Oshoka mpoka kape nomuhupici, opo kape neendacano lja tja ngaaka. Ngashingeji otatu di mu imbile nenjanju sho tu shi shi Jesus oje ombili jetu.

Ongoje ou na tuu eendacano ndika na Kalunga? Nenge u hoole natango oondjila dimue moka itamu vulu okuenda pamue? Didilika: Ngele Kalunga e nokukala na ngoje, nena nangoje u nokukala pamue na Kalunga. Omboka taa ende pamue, oje nokukala je neuvacano nevlacano.

Aajapuki jonaale oja li ja njanjukilua uunene edina ndika Immanuel. Uunene mokydiladila ejo ljomukulili etijaali, oja mono tuotoje ualjo moshinima shika: „No tatu ka kala aluhe nOmuaa.” Na Kalunga shokue ja hololele elago ljomegulu, oljo naanaa ndika isheue: „Tala ko egumbo lja Kalunga li li paantu, noje ta kala najo, oje no taa ningi oshiguana she, Kalunga muene no ta kala pamue najo Kalunga kauo.” (Ehol. 21:3.)

- Melago ndjoka tua haleni mo ndi shi. Ihe ngoka ite ende pamue na Kalunga ngashingeji u shi ta vulu okukala pamue naje aluhe sigo aluhe. Ngele one na Kalunga itamu vulacana ngashingeji muujuni, otamu vulu ngiini okuvulacana megulu?

- Osho ngeji oohapu adihe dokrismesa otadi tu tidile ku Jesus tu peue kuje tupe uomuenjo nombili ja krismesa.

E. J. P.

EHOKANICO.

Mesiku 9 November 53 mongerki jokOniipa omua ningua ehokanico lja Toivo Ambambi omupangeli nomutungindjugo mOnandjokue na Linda Hofni omulongikadona mooskola daana na pOniipa.

Potundi 10.30 ehokanico lja hiti mongerki aahijua sho ja adika ja tetekele mo. Aafuko sho ja ciki poshipundi shauo, eimbilo lja tamekua mbalambala. Omusitagongalo J. Shikongo a ji moshigalikaneno nokua kundu aafuko noohapu da Kalunga pafupi, nokua jambeke oondjokana dauo medina lja Kalunga. Aafuko sho ja cikama pejambelo na sho omukadona a zalekua okalinga, na sho ja tsu oongolo poshigalikaneno, oja canekua uo ku feelani Marja Mattila guomOnandjokue. Omizalo domufukokadona oda li po di shi okutalua, oje ina siikila oshipala she ngashi aauambo je shi hole, nohaa kala ngashi aanaluhodi; ihe oshipala she sha kala puujelele no she tu hololele enjanju lje. Mondjila oshituci osha li oshiuanaua, oshoka aafuko ja li je na ekuatacano euanaua, inaja saacana ohoni ngashi aauambo oje-ndji haa kala omolu okusauviteko kuauo; jo ihaz dimbulula uujapuki uoondjekana mpoka u cike. Omahilacano nomadikacano m'ondjila inaga holoka po mhangano ndjika. Omauvico ga ningi-

OSHIGONGI SHAAGUNDJUKA JOKOSHIGAMBO.

Esiku ai 13/10/53 aagundjuka aashigambo ja ningi oshigongi shetaaazaanomukumo moondjenda duukriste. Oshigongi osha kala siga eti 11 esiku ljomambo.

Esiku eti 10 tua oongala mongerki. Aagundjuka oja li oongundu ne, pamue nazuilika jado, ngashi ja zi komsha gauc. Oongundu da eta po ipapiua jado.

Ongundu jotango ja popi erumbulu ndika noku li popjulula: Omuaa oje omugameni guandje, Omuaa oje omugameni guandje, Omuaa oje omugameni guandje.

Ongundu ontijali ja hokolola kutja: Omugundjuka na joge olutu lue a kale omujogoki. Na diginine okuikaja kuuhalu uonjama, opo a kale ontempeli jOmuaa, a likole oondjokana daa noshipo.

Ongundu ontitatu, ja hokolola kutja: Omuaa Kalunga okua tumu omugundjuka Jesaja a ka pendule oomuenjo dAaisrael, da endamena mesilo ljeso. Ihe ngashingeji oje ta lombuele aagundjuka naakuluntu opejambelo: „Ina u ka uvice eso lOmuaa sigo ote ja.”

Ongundu ontine ja hokolola: Omuaa Jesus oje oshiholelua shaagundjuka.

Omukuluntu guoskola meme L. L. a hokolola uo kutja. Omiti doka ja hatua po koshikungulu, nando itadi penduka ue, oraku tegelelua itatuma mbjoka taji ningi omiti omipe.

Pua ningua ecimbo ljefudo. Ofundi onti 8 janguluhi tua kuutumba mohungi. Omulongi Efraim Nangombe a kumagida aagundjuka ja diginine ilonga memagumbo, oshoka oje omagano ga Kalunga. Omulongi Sakeus Efraim a pukulula uo aakadona muulenga uefufu kutja: Omitse daakiintu ngele tadi faacana no daalumentu oljo eshekokalunga. Naamati naa sile oshimpuiju nomokulikola kusuo naa tale shoka tashi tungu, jaa halakanice eliko ljavo miijagaja.

Ongula elongelo Kalunga sho lja ningua tua gongala pamue negongalo. Oondjimbo oombuanaua da imbua Tua kumagidua noohapu daKalunga. Esiku lja li etoje kutse. Onusita David Shijepo e tu laleke noohapu depistoli 1 Petrus 1:22-25.

Sakeus Efraim.

Iua momuti, moka aauvici jatatu ja tumbula sha nokuhalela aahokani ejambekolago lja Kalunga. Aantu ajehe ja muena noku-pulakena aauvici mbaka, nendi inekela oje uo oja gandja oombe-po dauo megalikaneno omolu aafuko mbaka jaali, ngashi aauvici ja tumbula.

Okuja mo megumbo okua eta shili enjanju mutse aahijua oshoka omikalo dopashiuambo doka da nika uufudime oda kandulua po. Aafuko ja ji mo ajehe oshita; osho uo aahijua kehe ngoka a tulua peha lje mpoka e na okujakulilua po. Omukalo guokudika engalo oguo tuu gua fa gua jono kashona uuanaua uoshituci, oshoka omidi daguo oda li da mena muule; kada li kombanda. Ando aafuko jojone ja li je na oonkondo okuua sha ando pamue sha kala tuu ihuepo. Nokuli omolu ongalo ecimbo olja zi mo momauco galjo, naafuko inaa monacana ue nookuume kauo ja li ja holoka po pecimbo lja uvanekua kegumbo ekuauo.

Ihe nando ongeji, Kalunga na bambelelue, oshoka aahijua ongele aatiligane nenge aaluude inaja halela Toivo na Linda omajambekomuenjo ageke, ihe oje ja halele uo omajambekolutu; oshoka ongalo sho ja jalulua omua adika £11. 6/3 niifanduke (2) noshijaha shokuijogela (1) nuujaha uokulila uune, nokambiga kokuteleka koshijela, nokakerica kokukala antaku kamue, nokandjato kokatungua kamue, nuufano ouindji kau shi okujalulua uoongala nouomahambelelojambeko ga zi kookuume jaafuko.

Onde shi tala, etameko ljopamuenjo euanaua mujo, netameko ljopalutu euanaua mujo. Kalunga na koleke shoka Toivo na Linda je shi likola moshituci shauo, ongele shopamuenjo nenge shokolutu uo. Aauambo ajehe ando ja jeluca po iituci jauo jopakriste pamukalo guckusimanekica Kalunga.

M. Kristian.
Omulonguasita

OLUHEPO LUOVANAHAMBO.

Ovanangobe aveshe ava hamu tumu ovafita veni mofuka, unene kEnjana no kOndema nOmboloka, ohandi mu indile, kaleni hamu tumine ovafita veni oikulja mu keshe ohani. Oshe-shi ohava kala moluhepo lunene londjala. Neudo moukongo nda bangika mo kcvanu vane va fia po eengobe kEnjana omoluondjala tava i kemaumbo (moshilongo) umue uavo okua li pokudinda nokuli.

Osho jo ovantaveli ndihieni ovavu vatja ngaha ve li mou-pjakadi uokunuefa eengebe oufiku nomutenja.

J. Hanjango

O U N J U N I T A U H A P U L A S H I K E ?

KALUNGA NEPANGELO LOUNJUNI.

Oita si ja kala jounjuni foulis haji homana, ovanu va li ve litanga neengoni. Ova li ve si ve neendunge di si kutokola oinima ajise. Kalunga ina pumbua nande. Omunu esi a nanga nando elenga e li e si ova a kula nekubi ita siya okuja vali komambo ile ita pumbua ukulesa cendjovo da Kalunga. Sila e hoole okujola asike esi e ja komambo.

Oihupe jovanu va tja ngala, tjo omala, ovo inava koka meendunge ngasi ovanu vakuaun, itava hangika vamue mouambo no paife. Esi tua enda kOkua jama ndele tua tula omambo komukunda, oko tva lianga ovanu avanjasa vatatu va tja ngaha. Ovati ve si kupopa amalaka onge havo ve litala ova-neendunge itava pumbua okufinaneka cendjovo da Kalunga. Ndele ne ovo omala. Ove li muafu nja ikulu ja ekeluasi nokuli kovapangeli va kula. Ovanjasa venja ovakuunjama, esi tua uudifa cendjovo da Kalunga, ova kundafana ndele ngasi ova-paani vonaale, ova kava li neendunge, va nanga. Ndele ne ova-paani vopama ve si kumueta ndele ve si kupuulikina nokufinaneka cendjovo da Kalunga ndele ovanjasa ovala ohava kudile ngasi osingulu si he neendunge.

Ovapangeli va kula vopama hava fimaneke ngahelipi Kalunga? Onaale Omukueta e mu hepaululile nokuli omalenga mahapu nambi va hula omufitaongalo Buchman a ifane ovapangeli aveve va kula va kundafane omatokoloavo cendjovo da Kalunga. Paime Omukueta te mu hepaululile nambi omupangeli uo Amerika la hangana.

Omupresidenti E i s e n h o w e r, ta kala nde ta ningi.

Omegumbo lyahe nokuli omupresidenti Eisenhower kua igilila nokuli okugalikana. Omasandjau mu galikanua alohe no mua lesua oohapu zOmua. Sho lina ningi ondjai no kua kala moskola jokombanda jakunta okua longu nunoua moskola josondaha kehe tuu osondaha.

Kehe osondaha omupresidenti Eisenhower nefolo lje taa ji mongereka, oshipundi shavo shi li mokati kaakuaneongalo no itashi kala ovalanando osondaha jimue. Omesiku ndjono una kua tameke okupangela, oje kua li mongereka nomalenga ge agehe nepangelo lje alihe.

Omupresidenti Eisenhower je muene e hool e no ta ziginine aluhe okugalikana. Oje kua fatulula oshinima shika ngeji: Egalikano tali mu kuaca okumanguluka kumpuju iidigu opo a mone okacimbo kokuvululukua no opo a mone okacimbo okupulakana cui lja Kalunga nkene tali ti no nkene tali uuca inima juujuni. No kua ti isheve kutja ita vulu okulonga nokutsakanica oshilonga she oshidigu ngele ita galikana nokugalikanena oshindji. Omalikanano tage mu tsike onkondo opo a uape okutokola inima inene. Oje ta inekele Kalunga onkondo doka te di pena aluhe ku Kalunga.

Oshigongi kehe shepangelo no shaakuluntu tashi tamekua nomagalikano. (Osho uo omukuunilua Johannes, tu shi, te shi ningi mOndonga). Ngika apangeli jopalue uo? Inaru shi uva manga ihe ngika ajehe uo ja hala okulandula oshiholelua shomupangeli omunenene guAmerika. Inapa pita omasiku ogendji Eisenhower sho kua icana omalenga agehe goshilongo ga ninge oshigongi shago ihe nosligongi osho tuu shoka sha tamekua negalikano.

Esiku jimue kua icana aasitagongalo ajehe aakuaprotestanti koshigongi sha ningua megumbo lje muene koshilando shepangelo Washington. Oje kua kundacana najo nokue ja tsu omukumo ja kambadale okukondjica uvinaji kehe momagongalo gavo aantu opo ja diginine omikalo omikuakristelela noshilongo shaa tameke okuola moshide shuulunde.

Efola Eisenhower oje ta jakula no ta kaleke omulumentu gue. Oje ta kala ngaa ponto je miinima ajihe ngashi omukulukadieleda he shi ningi aluhe Omupresidenti Eisenhower oje omukristeelela, omunandunge, onkulungu, omudiginini, onke ano e hoole egumbo lje alihe. Egumbo alihe oljo ekristelela. Megumbo lje mu nambili, mu nenjanyu nando he guegumbo ndjoka e nokubumbata omutenge omuzigu guepangelo. Ano kee naakiintu oje-ndji mboka haa jono po omulumentu gue nepangelo ljosihilongo tali ji pombambo.

Kehe omupangeli ngoka ta eca Kalunga nomagalikano no ta tameke okulandula uubalu ue naakiintu ojendji, oje ta hutuka noshilongo shomupangeli ngoka tashi jonuka po. Uujuni uongashingeji ua eta onzapo ja tja ngeji.

K o n r a d A d e n a u e r

omupangeli guDuisland osho a hala uo okudama oohapu dOmua. Omukueta e mu hokololele nokuli nkene oshigongi oshiuene shaa-kriste sha gongalele moshilando sha Hamburg. Moshigongi shono mua audika aantu omajuvu omacele gaali. Ano ojendji je vule aauambo ajehejehe nando ja pongala kumue. Moshigongi shoka mua imbua noonkondo ngashika apapoduki haa imbi (Inaa imba ngashika omagongalo gaavami o gongalungen haa imbagula. Aantu jaali nge jatatu taa kambadala ihe sakuano ajehe haa kala omutumba ngashika ombolo, mboka jaa shi kulesha na mboka jaa nomakutsi).

Ano ngashika aanduishi agundjuka ja hala okukondjica uvinaji nuheci auhe osho uo omupangeli guavo Adenauer ha ningi. Esiku ndjono uuna kua hogololelua epangelo, okue li tameke nomagalikano. Oje kua kumagida aantu je ajehe aanduishi ja diginine ukriste ua shili.

O m u p r i n s i A k i h i t o,

omucigululi guepangelo ljosihilongo sha Japan, oje ta putudilua muukriste. Omuputudi nomulongi gue oje omukristelela omuamerika, edina lje efola Vining. Omukesari gua Japan sho kua uuca oshinima shika sheputudo lja Akihito, kokutja li nokuningua paukristelela, uva auhe ua fa ua baluka ua sa. Ihe osho ngaa sha ningua uo tashi ningua ngashingeji natango. Esiku li mue ano oshilongo shijaka sha Japan nando aapagani je li mo ojendji, tashi ka kala shi nomupangeli omukristelela. Osho ngeji evangeli tali taandele no tali tondokele ilongo niilongo, kooha nooha duujuni.

O v a n j a s h a v o m u E u r o p a,

va ongalela moshilando sha Kassel Ova li ko vahapuvahapu. Ndele ne inaku monika ovanjasha va fa ovasamane vokrimesa, kokutja inava djala omakende oulai, inava endaenda ve kuete oshikombe sheehiiki ile shoikutu meke lavo, ngashi ovanjasa vamue ovambo ve hoole okuenda paime. Inava djala nokakodili taka vema ngashi oshipeleki eshi kua tuilikilua oikeleketi joshiti shokrimesa, ngashi ovanjasa ovambo have shi ningi paime. Ihatu ti aveve tave shi ningi. Ahoue! Ovahapu va pukuluka nokuli ndele ne puna vali vamue ovo omala ohava danauka noinima jouhanana nando va tova nokuli.

Ndele ne moshiongalele shomu Kassel inamu kalua ngaha. Moshiongalele shinja mua ongalele ovanjashanjasha ngashi ovalumenelela. Ova va tumine oiuna ajise ondaka taji ti ngaha: oje tatu lengua neengono meemuenjo detu oiuna eshi haji tondafana; oje ihatu linekele eengono dovanu ile dovapangeli, ahoue, ohatu linekele Kristus oje na ninge omupangeli ua Europa; tu dameni mu Kristus nedu letu tali ka hupa; mu Kristus kamu na oshilo ile ouninginino; Kristus nenge oje; ombili jetu otatu tungu ombili jounjunaushe ja totua mu Kristus ndele itaji dikua keengono deembapila di shi kutuulua ile itaji kolekua nomatumbutumbu ongabo.

E e d o l a r i e e m i l j o n i 2 5

ovaamerika hava tula mongalo jeengereki davo osondaha keshhe. Hano ofilinga eemiljona 200 osondaha keshhe. Omuambo lidenga komilungu! Ovamuevamue aveke movambo va pukuluka okutula mongalo. Ovaisrael va longua kOmuene okutula mongalo oshitimulongo. Otashi ti shike? Otashi ti: omulongi nge ta peua ondjambi jaje oiponda 10, oiponda jimue te ji tula mongalo jeongalo: omunamapja eshi ta peua oilja eelata 10, olata jimue te ji tula mongalo: Nge ta peua oilja eelata 30, eclata 3 ta tula mongalo.

Omulongi omukueta osho ua tameke okuninga nokuli? Omukueta omukriste osho ho tuala oilja joje?

Ndele vali Kalunga kua pukulula ovaisrael ngaha: inamu tula mongalo nando sha shi noshiponga ile sha dinika. Lesha etestamenti likulu opo u pukuluke.

Ndele ne ovambo vahapu hava ningi ngahelipi? Ohava kufa ehaulapa likulu li dule makuavo aeshe ndele tave li tula mongalo ndele hava hupifua osispensa ile ofilinga haji vema opo va shiive okulilandela oshide ile osuuka okulivaeka koshipala va ninge va feendiaboli da dja mombuili joheli. Novasamane hava hoolola oshikombo shi nongana shije meongalo ile navo jo hava tula mo ehaulapa alike. Ovamue va pukuluka nokuli ndele ne andola ovambo aveve va pukuluke muashi!!! Ovaamerika tave tu pe oshihopaelelua shiua.

O r a d i o h a j i u u d i f a

cendjovo da Kalunga neengono mu Japan. Nenge hatu jeleke ovajapan 100 omilongo hejalu muava tava shiva okupuulikina radio. Hano omilongenatu adike kave noradio. Ovajapan ve li po eemiljon 100. Hano eemiljon 70 muvo hava shiiva okupuulikina cendjovo da Kalunga ku radio. Osho ngaha cendjovo da Kalunga tadi tondokele neengono momaumbo ovajapan.

O u t a l a l a u a h a n d u k a

vaali mu Union. Inapa pita omasiku mahapu eshi momukunda Mount Fletcher mua tja eengobe 1800 koutalala.

